

Dasinh Yen Banh Ndwencieng Minzsuz Vwnzva Hozdung

大新县举办春节民俗文化活动

2 nyied 10 hauh, Dasinh Yen Dauzcwngz Cin Vanlij Cunh Mbanjnungzsah haiguh guh ceiz、fouxsaux、gaeqdoxdoj、bau aendomq daengj ndwencieng minzsuz vwnzva hozdung lai cungj lai yiengh, yinx ndaej le ca mbouj geijlei fanh boux hekyouz daeuj ngonzyawj youzcet. Gaenh geij bi neix daeuj, aen mbanj neix aeu “Guengjsae gyaundeidei • lajmbanj swngghdai” hozdung guh seizndei, doenggvaq giyez bangcoengh haenqrengz doicaenh swngghdai lajmbanj lijyouz gensez, saedyienh bouxguhnaz bingzyaenz moix boux souhaeuj 8200 maenz.

(Cinz Civanj/覃志婉)



▲Beixnuengx Myauzcuz boq aenvenz caijdanz.

Yungzsuij: Myauzcai Caeuq

“Doengznienz” Angqhoh Ciengmoq

融水:苗寨同“同年”闹新春

2 nyied 12 hauh, Yungzsuij Myauzcuz Swciyen Anh dai Yagh Yenzbauj Myauzcaih banh “dwk doengznienz” hozdung, dangdieg cien boux doxhwnj beixnuengx Myauzcuz caeuq gyoengq “doengznienz” daj Gunjbei Duncuz Yagh Gunjbei Myauzcaih daeuj haenx doxcomz youq giz haenx, itheij haiguh boq aenvenz、diuq foux aenvenz、eu Fwenmyauz daengj hozdung, angqhoh ciengmoq.

“Dwk doengznienz” dwg hangh lenzyiz hozdung Myauz、Dung daengj saujsu minzcuz beixnuengx youq ndwencieng geizgan mbanj caeuq mbanj haiguh he, doeklaeng bienqbaenz Myauz、Yauz、Dung daengj mbanj saujsu minzcuz lenzyiz hozdung, dangdieg heuhguh “dwk lauxgeng”, eiqsei dwg gyau baengzyoux、giet beixnuengx. Seizneix gaenq hwngfat baenz cizdij doxgyau hozdung lai aen minzcuz.

(Lungz Linzci/龙林智 Lungz Yingjyingji/龙颖颖)



▲Diuq foux koh ciengmoq.



► Hekyouz daejniemh guh ceiz.

Sanhgyangh: Caujmyauz Hoihhoengh Hoh Ciengmoq

三江: 草苗盛宴贺新春



▲Baijyienj ndangdaenj Caujmyauz.

2 nyied 12 hauh, Sanhgyangh Duncuz Swciyen Bazgyangh Cin Budai Cunh banh gaiq daih’ it Caujmyauz vwnzva yisuz swncienz hozdung, ca mbouj geijlai 60 aen mbanj Caujmyauz vunzlai daj Guengjsae Gveicouh Huznanz sam sengj gih daeuj haenx, aeu ngaizbakranz、aenvenz doxdax、ndangdaenj baijyienj daengj hoihhoengh vwnzva lai cungj, baijyienj Caujmyauz fungcingz, angqhoh ciengmoq bi duzlingz. Caujmyauz dwg aen nga Myauzcuz comz youq Guengjsae Gveicouh Huznanz sam sengj gih dieg gapgyaiq he, miz 6 fanh lai vunz.

(Gungh Bujganhg/龚普康)

Lozcwngz: Doiq Fwen Angqhoh Ciengmoq

罗城: 对唱山歌庆新春

2 nyied 11 hauh (liggaeuq ndwencieng coseiq), Lozcwngz Mulaujczu Swciyen youq Cwngzlungzhu Gunghyenz Baebo Gvangj-cangz banh “cin daengz bofwen” baebo hoihfwen, yienhciengz sing fwen mbouj-duenh, nauhyied raixcaix. Daihya aeu fwen cienz cingz、aeu fwen gyau youx, caez ciengq vuenyungz gyaundeidei saedceij moq, caez hoh ciengmoq cietndei, dajcaux le gij heiqaenh vwnzva ngoenzciet naekna.

Ciuq cam rox, Mulaujczu ciet baebo gaenq liedhaeuj Guengjsae Bouxcuengh Swcigih feihvuzciz vwnzva yizcanj mingz-loeg. Ciet baebo geizgan, vunz lai seiz miz daengz geij cien boux, noix seiz miz bak lai boux, mizseiz doiq saumbauq he hix baebo doiq fwen, gangjok cingzngaih.

(Liu Gvanghfuz/廖光福 Veiz Yuzdai/韦如代)



▲Doiqfwen yienhciengz.